

Zastupnik duo Pringerli

8/11/18

UGOVOR

„Kupovina poslovnih automobila“

Zaključen u Sarajevu između:

Zavoda zdravstvenog osiguranja Kantona Sarajevo, ul. Ložionička broj 2 (u daljem tekstu Ugovorni organ), kojeg zastupa direktor Mr.sc.i.oec.prim.spec.dr. Samir Turković

i

Hyundai auto BH d.o.o. ul. Branilaca Šipa br. 4C (u daljem tekstu Dobavljač), kojeg zastupa direktor, Mirza Juzbašić.

PREDMET UGOVORA

Član 1.

Predmet ovog ugovora je regulisanje prava i obaveza između Ugovornog organa i Dobavljača kao izabranog ponuđača u postupku javne nabavke putem otvorenog postupka za nabavku „**Kupovina poslovnih automobila**“, objavljenom na portalu EJN broj: 814-1-1-54-3-55/18 od 20.11.2018. godine, a u skladu sa Odlukom o izboru najpovoljnije ponude broj: 03-08-Dž.K.-39140-OI/18 od 12.12.2018. godine, ponudom Dobavljača broj: 18-1150 od 11.12.2018. godine i tenderskom dokumentacijom broj 03-08-Dž.K.-39140-TDOP/18 koji čine sastavni dio ovog ugovora.

Član 2.

Predmet javne nabavke je nabavka „Kupovina poslovnih automobila“ (1 Komad) što uključuje sljedeće:

VRSTA VOZILA: TERENSKO PUTNIČKO MOTORNO VOZILO
MARKE HYUNDAI TUCSON 2.0. CRDI 4WD 8A/T

Tehničke karakteristike

- Vrsta motora: DIZEL
- Norma zaštite okoline: EURO 6
- Zapremina motora ccm : 1995 ccm
- Pogon: 4x4
- Broj Vrata: 5
- Broj sjedišta: 5
- Snaga motora: 136 KW
- Mjenjač: AUTOMATSKI 8-stepeni + R
- Kapacitet rezervoara: 62 litara
- Clearance (odignutost od tla): 182 mm
- Prtljažni prostor: 513 litara
- Godina proizvodnje: 2018 (novo vozilo)
- Boja vozila: Crna metalik

OBAVEZE UGOVORNIH STRANA

Član 3.

Dobavljač se obavezuje Ugovornom isporučiti robu iz predmeta ugovora prema datom opisu ispod, u skladu sa zahtjevima preciziranim u ovom ugovoru, na način i u rokovima regulisanim ovim ugovorom i ponudom dobavljača.

OPREMA VOZILA:

- Start-Stop sistem
- SERVO upravljač podesiv po visini i dubini
- AIRBAG (zračni jastuk) za vozača
- AIRBAG (zračni jastuk) za suvozača sa mogućnošću isključenja
- AIRBAG 2x bočni sa zračnim zavjesicama
- ABS (sistem sprečavanja blokade točkova prilikom kočenja)
- ESP - elektronički program stabilnosti sa:
- HAC- (kontrola pomoći pri pokretanju uzbrdo)
- LED poziciona svjetla
- Automatska regulacija paljenja/gašenja prednjih svjetala
- Prednja i zadnja svjetla za maglu
- El. podešavanje, preklapanje i grijanje vanjskih ogledala
- Zadnji spojler sa kočionim svjetlom
- Podešavanje prednjih pojaseva po visini+ podsjetnik
- Radio MP3 uređaj
- Priklučci za USB (iPOD), aux
- Komande za audio uređaj na upravljaču
- Elektro podizači prozora (4x)
- Putni računar (Trip kompjuter)
- ALARM + dalj. upravljanje centralnom bravom sa ključem na preklapanje
- Automatski klima uređaj
- Bluetooth
- Senzori za parkiranje nazad
- El. unutrašnje ogledalo sa zatamnjenjem
- Kožom presvučeni upravljač i ručica mjenjača
- El. grijanje prednjih i zadnjih sjedišta
- Tempomat
- Krovne lajsne
- Senzor za kišu
- Zatamnjena stakla iza prvog reda sjedišta sa zaštitom od UV zračenja
- Aluminijske felge 19"
- Rezervni točak sa alatom i dizalicom
- Navigacija
- Kamera za pregled iza vozila
- Set obavezne opreme za vozilo (Prva pomoć, Trokut, sijalice, sajla za vuču, reflektirajući prsluk)
- Set podnih prostirača za vozilo



Član 4.

Ugovorni organ se obavezuje da prihvati dostavljenu robu ukoliko ista odgovara ugovorenim, te da plati ugovorenu cijenu na način i u rokovima određenim tenderskom dokumentacijom broj: 03-08-Dž.K-39140-TDOP/18, ponudom dobavljača i ovim ugovorom.

Član 5.

Cijena nabavke robe koja je predmet ovog ugovora iznosi **50.900,00 KM bez PDV-a**, odnosno **59.553,00 KM sa PDV-om**, prema tabelarnom pregledu:

Redni broj	Opis nabavke	Količina	Jedinična cijena bez PDV-a	Ukupna cijena bez PDV-a
1.	„Kupovina poslovnih automobila“	1 kom	57.256,41 KM	57.256,41 KM
Ukupna cijena bez PDV-a				57.256,41 KM
Popust				6.356,41 KM
Ukupna cijena sa popustom bez PDV-a				50.900,00 KM
PDV na cijenu ponude (sa uračunatim popustom)				8.653,00 KM
Ukupna cijena sa PDV-om				59.553,00 KM
Ukupna cijena sa PDV-om riječima: Pedesetdevethyljadapetstopedesetri 0/100				

Dobavljač se obavezuje da će robu iz stava 2. ovog člana pružiti po ukupnoj cijeni u kojoj je uračunat PDV, i svi drugi zavisni troškovi.

Član 6.

Plaćanje izabranom ponuđaču će se izvršiti nakon dostavljene ispravne fakture i izvršene isporuke u roku do 60 dana računajući od dana dostavljene ispravne fakture.

ROK I MJESTO ISPORUKE ROBE

Član 7.

Rok za isporuku je do 15 (petnaest) dana od dana dostavljene narudžbenice.


Garancija za predmet nabavke je minimalno 5 godina ili 100.000 km.

Član 8.

Mjesto isporuke robe adresa Ugovornog organa u Sarajevu, Ložionička broj 2. Prijem robe će se izvršiti uz sačinjavanje zapisnika.

Ukoliko se ustanovi da roba koja bude isporučena od strane dobavljača ima oštećenja, ista će biti vraćena dobavljaču i zamijenjena sa ispravnom robom.





Ukoliko se nakon prijema robe uoče nedostaci koji nisu mogli biti uočeni prilikom primopredaje robe, primljena roba će biti vraćena dobavljaču uz obavezu istog da u roku do 21 dan izvrši dostavljanje ispravne robe.

Član 9.

Dobavljač ima pravo na produženje ugovornog roka ako je u isporuci robe u tom roku bio spriječen izvanrednim događajima koji se nisu mogli predvidjeti u vrijeme zaključenja ugovora.

Izvanrednim događajima se smatraju:

- prirodni događaji koji se smatraju višom silom (poplave, zemljotresi druge prirodne nepogode),
- mjere državnih organa.

Dobavljač je dužan da Ugovorni organ pismeno obavijesti o svojoj namjeri da zbog navedenih okolnosti traži produženje roka.

GARANCIJA ZA DOBRO IZVRŠENJE UGOVORA

Član 10.

Dobavljač se obavezuje dostaviti Ugovornom organu garanciju za dobro izvršenje ugovora u vidu bezuslovne originalne bankarske garancije prvoklasne poslovne banke, u roku od petnaest (15) dana od dana obostranog potpisivanja ugovora.

Iznos garantnog depozita će biti plativ Ugovornom organu kao kompenzacija za bilo koji gubitak koji bi bio prouzrokovan ako Dobavljač ne uspije da izvrši svoje obaveze po ovom ugovoru.

Visina garantnog depozita je 10 (deset) % od ugovorene vrijednosti i biće iskazana u valuti ugovora ili u konvertibilnoj valuti prihvatljivoj od strane Ugovornog organa, sa rokom važnosti, vrijeme trajanja ugovora plus 60 (šezdeset) dana.

Ako Dobavljač ne dostavi garanciju za dobro izvršenje ugovora u roku iz stava 1. ovog člana, ugovor se smatra apsolutno ništavim.

NAKNADA ŠTETE

Član 11.

Ako Dobavljač zakasni sa izvršenjem isporuke robe, nema pravo na produženje ugovorenog roka zbog okolnosti koje su nastale u vrijeme kada je bio u kašnjenju.

U slučaju neurednog izvršavanja i zakašnjenja u izvršavanju ugovornih obaveza od strane Dobavljača, a kao rezultat nepažnje Dobavljača ili njegovog osoblja, neovisno da li je nastupila šteta takvim postupanjem, Ugovorni organ ima pravo zaračunati penale za predmetni period na način da za svaku radnju ili propuštanje dužne radnje od strane Dobavljača u ovom smislu iznos ispostavljene fakture umanjuje za 20 %.

Dobavljač je u svakom slučaju dužan naknaditi štetu u stvarom iznosu ukoliko ista nastupi usljed nemara ili krivice Dobavljača.

Član 12.

Ugovorna strana koja skrivljenim ponašanjem ili nemarom dovede do neurednog ispunjenja ili neispunjenja ugovorne obaveze, pa navedeno prouzrokuje štetu drugoj ugovornoj strani, dužna je da štetu naknadi u cijelosti i to u roku od 15 (petnaest dana) od dana postavljenog kompletiranog i osnovanog zahtjeva za isplatu naknade.

Iznos obračunatih penala po osnovu zakašnjenja u ispunjenju ugovornih obaveza i naknade prouzrokovane štete iskazane kroz novčano potraživanje, međusobno se ne isključuju.

PRESTANAK UGOVORA

Član 13.

Ugovor prestaje njegovim izvršenjem, odnosno obostranim ispunjenjem ugovornih obaveza ugovornih strana.

Član 14.

Ugovor može prestati i prije njegovog izvršenja, u slučaju raskida.

Ugovorni organ može raskinuti ovaj ugovor:

- ako Dobavljač ne izvršava ugovorne obaveze
- ukoliko se utvrdi da Dobavljač krši zakonske propise u domenu porezne politike, što uključuje direktne i indirektne poreze i ostale javne prihode, a posebno ako za radnike ne vrši izmirivanje obaveza po osnovu doprinosa za zdravstveno osiguranje, u rokovima i na način utvrđen zakonskim propisima,
- ako Ugovorni organ ne bude mogao da izvršava svoje obaveze iz ugovora,
- ako je zaostajanje u isporuci robe koje su predmet ugovora takvo da može dovesti u pitanje izvršenje ugovora.

Zbog zaostajanja u izvršenju isporuke robe, Ugovorni organ može raskinuti ugovor samo ako je do zaostajanja došlo krivicom Dobavljača.

Član 15.

Ugovorni organ će raskinuti ugovor sa Dobavljačem ukoliko se ustanovi da ponuđena roba koja je zadovoljila zahtjeve u ponudi, nije jednaka isporučenoj robi koja je predmet ugovora.

Dobavljač može da raskine ugovor ako Ugovorni organ usljed vlastite krivice ne izvrši svoje ugovorne obaveze.

Ukoliko Ugovorni organ, skrivljenim ponašanjem, ne izvrši plaćanje u predviđenom roku, dužan je Dobavljaču izvršiti obeštećenje izazvano kašnjenjem u visini od 20 % za svaki dan kašnjenja u plaćanju.

Ugovorni organ neće biti u obavezi platiti obeštećenje iz prethodnog stava ukoliko postoje dokazivi razlozi da je kašnjenje sa plaćanjem nastupilo izvan okolnosti na koje je Ugovorni organ mogao utjecati.

U svakom slučaju Dobavljač neće moći raskinuti ugovor bez pisanog poziva na ispunjenje ugovornih obaveza uz minimalan rok od 8 dana za postupanje Ugovornog organa po pozivu.

Ugovor se raskida pismenom izjavom koja se dostavlja drugoj ugovornoj strani. U izjavi mora biti naznačeno po kom osnovu se ugovor raskida.

OSTALE ODREDBE

Član 16.

Svi sporovi koji eventualno nastanu iz ovog ugovora rješavat će se međusobnim sporazumom ugovornih strana. Ako se spor ne riješi na taj način, ugovorna strana može se za rješenje obratiti stvarno nadležnom sudu u Sarajevu.

Član 17.

Dobavljač nema pravo zapošljavati, u svrhu izvršenja Ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje šest mjeseci po zaključenju Ugovora, odnosno od početka realizacije Ugovora.

Član 18.

Za sve ono što nije regulisano ovim ugovorom primjenjuju se važeći propisi i poslovni običaji u oblasti predmetnih nabavki i Zakon o obligacionim odnosima.

ZAVRŠNE ODREDBE

Član 19.

Sastavni dio ovog ugovora su:

- Tenderska dokumentacija broj: 03-08-Dž.K.-39140-TDOP/18;
- Odluka o izboru broj: 03-08-Dž.K.-39140-OI/18 od 12.12.2018. godine;
- Prihvaćena ponuda Dobavljača broj: 18-1150 od 11.12.2018. godine

Član 20.

Ovaj ugovor zaključen je u četiri (4) istovjetna primjerka od kojih svaka ugovorna strana zadržava po dva (2) primjerka.

Ugovor stupa na snagu danom potpisivanja od strane obje ugovorne strane.

Ukoliko ugovorne strane ne potpišu Ugovor na istovjetan datum, danom stupanja na snagu ovog Ugovora ima se smatrati kasniji datum potpisa.

Dobavljač

HYUNDAI AUTO BH D.O.O.

Mirza Juzbašić

Broj: 1975/18

Datum: 25.12.2018.

Ugovorni organ

ZAVOD ZDRAVSTVENOG OSIGURANJA
KANTONA SARAJEVO

Mr.scI.oec.prim.spec.dr. Samir Turković

Broj: 03-08-Dž.K.-39140-UG/18

Datum: 24.12.2018. godine